

Majlis
PENYERAHAN & PAMERAN
KOLEKSI N. A. HALIM

11 Februari 1992

8 Syaaban 1412



*Budi Baik
Dikenang Jua*




Di Ruang Legar
Perpustakaan Tun Seri Lanang
Universiti Kebangsaan Malaysia
Bangl. Selangor Darul Ehsan

SEKAPUR SIREH

Saya mengucapkan tahniah serta terima kasih kepada Saudara N.A. Halim (Halim Nasir) atas sumbangan bersejarah koleksi peribadinya ini kepada Perpustakaan Alam & Tamadun Melayu, Universiti Kebangsaan Malaysia. Saudara Halim telah mengukir satu cara dan gagasan hidup yang amat khas - memperlihatkan kecintaan, dedikasi dan pengorbanan yang luar biasa dalam mengumpul, mencatat dan menganalisa warisan sejarah dan kesenian bangsa. Ini dilakukan dengan tulang empat keratnya, tanpa banyak asas pendidikan yang awal, dan tanpa banyak kemudahan material. Hakikat yang beliau kini menjadi seorang yang terbukti dan ternama dalam lapangannya, dan dianugerahkan pula Ijazah Kehormatan oleh Universiti Kebangsaan Malaysia, tentulah menandakan satu pencapaian yang luar biasa. Kerelaannya untuk menghadiahkan koleksi bahan yang dikumpulkan sepanjang hidupnya ini kepada pihak Universiti Kebangsaan Malaysia merupakan puncak daripada jiwa pengorbanannya yang tinggi itu.

Kami di Institut Bahasa, Kesusasteraan dan Kebudayaan Melayu amatlah beruntung mendapat khidmat keahlian N.A. Halim sebagai Karyawan Tamu. Dan koleksinya ini tentulah akan meningkatkan lagi kepentingan Perpustakaan Institut Bahasa, Kesusasteraan dan Kebudayaan Melayu sebagai pusat dokumentasi bagi bahan-bahan tentang sejarah dan kebudayaan Melayu.



PROF. DATUK ISMAIL HUSSEIN

Pengarah

Institut Bahasa, Kesusasteraan & Kebudayaan Melayu.

SEULAS PINANG

Segala puja dan puji bagi Allah S.W.T. Selawat dan salam ke atas Junjungan Besar Nabi Muhammad S.A.W. Saya bersyukur kerana pada hari ini telah terlaksana suatu majlis yang amat bersejarah lagi bermakna. Ucapan setinggi-tinggi terima kasih kepada semua pihak yang terlibat bagi menjayakan Majlis Penyerahan dan Pameran KOLEKSI N.A. HALIM.

Majlis ini merupakan satu penghargaan kepada Perpustakaan kerana seorang tokoh budayawan dengan rela hati menyerahkan koleksinya yang amat berharga untuk diabadikan di Perpustakaan. Saya percaya koleksi ini akan menjadi sumber rujukan penting kepada para pengguna Perpustakaan khususnya para budayawan dan sejarawan.

N.A. Halim adalah lambang putera Melayu yang berjaya mendokong semangat bangsa Melayu. Kegigihannya menyimpan dan mengumpul koleksi puluhan tahun yang lalu menandakan cintanya kepada pusaka warisan bangsa Melayu. Beliau tidak rela melihat pusaka bangsa Melayu pupus ditelan zaman. Saya harap akan lebih ramai lagi tokoh-tokoh dan budayawan yang mencon-tohi jejak langkah beliau ini.

SYABAS! N.A. HALIM



ZAINAL AZMAN RAJUDDIN
Ketua Pustakawan
Perpustakaan Tun Seri Lanang
Universiti Kebangsaan Malaysia.

MALIS KALANGAN BUDI N.A. HALIM

Akar Keladi melilit selasih
Selasih timbul di hujung taman
Kalungan budi junjung kasih
Jadi kenangan sepanjang zaman

Tenang-tenang air di laut
Sampan kolek mudik ke tanjung
Hati terkenang mulut tersebut
Budi yang baik rasa nak junjung

Sebuah kendi warna kencana
Di atas kain kesumba murup
Sepantun budi kami terima
Akan dikenang seumur hidup

Yang kurik kundi
Yang merah saga
Yang baik budi
Yang indah bahasa

(PANTUN MELAYU WARISAN BUDAYA BANGSA)

N.A. HALIM (Satu Renungan)

Lahir pada 12 Mac, 1938 di Lenggong, Perak. Berpendidikan Sekolah Melayu Lenggong hingga tamat darjah 7. Pada tahun 1970 berkahwin dengan Cik Zainah binti Haji Musa dan dikurniakan 2 orang putera dan 2 orang puteri. Kerjayanya bermula dari seorang pelukis jalanan kemudian bertugas sebagai pelukis diorama di Muzium Negara dan bersara pilihan pada tahun 1988.

Beliau telah mengasah bakatnya melalui beberapa kursus profesional yang diikuti di dalam dan luar negeri. Minatnya menjelajahi seluruh Nusantara telah menambah pengalaman dan kebolehannya di bidang fotografi, senibina dan senilukis. Nama N.A. Halim semakin menonjol apabila beberapa buah institusi melantik beliau sebagai pakar perunding dan penulis tamu. Koleksinya yang diserahkan kepada Perpustakaan adalah rakaman pengembaraannya selama lebih tiga dekad.

N.A. Halim menjadi lebih dikenali lantaran kebolehannya yang luar biasa. Keberaniannya menangkap ular berbisa serta menyelami dasar lautan yang penuh dengan peristiwa ngeri dan seram telah mencipta namanya sebagai seorang tokoh budayawan yang cukup matang dan penuh pengalaman.

Segala ilmu yang diperolehi dan idea-idea yang dicungkil dan digali telah menghasilkan ratusan karya yang tersurat di ruangan media massa, majalah dan buku-buku.

Anugerah demi anugerah diterima sebagai bukti penghargaan masyarakat terhadap jasa-jasanya. Pada tahun 1991 Universiti Kebangsaan Malaysia telah menganugerahkan Ijazah Kehormat Sarjana Sastera sebagai pengiktirafan terhadap keintelektualan seorang pelukis jalanan yang tak punya sebarang sijil di peringkat awal pendidikannya.

Limau purut limau lelang
Masak di tepi Pengkalan Rama
Harimau mati tinggalkan belang
Manusia mati tinggalkan nama.

Sebenarnya N.A. Halim bukanlah meminta nama. Penyerahan koleksinya itu semata-mata bukti kasihnya yang amat mendalam terhadap pusaka dan warisan budaya bangsa. Namun begitu nama N.A. Halim tidak akan luput dari ingatan. Ia akan terus abadi bersama koleksinya di ruang Perpustakaan Alam dan Tamadun Melayu dan akan menjadi renungan generasi akan datang. Memang sudah menjadi lumrah alam peristiwa hari ini adalah sejarah hari esok.

ATURCARA MAJLIS PENYERAHAN KOLEKSI N.A. HALIM

9.00 pagi	-	Ketibaan Tetamu
	-	Ketibaan Pengarah Institut Bahasa, Kesusasteraan dan Kebudayaan Melayu.
	-	Ketibaan Encik Abdul Halim Nasir
	-	Ketibaan Naib Canselor
9.30 pagi	-	Ucapan Aluan Oleh Ketua Pustakawan
	-	Ucapan Pengarah IBKKM
	-	Ucapan Encik Abdul Halim Nasir
	-	Ucapan Naib Canselor
10.30 pagi	-	Upacara Penyerahan Koleksi N.A. Halim kepada Naib Canselor
	-	Penyampaian cenderamata kepada Encik Abdul Halim Nasir
	-	Bacaan Doa Selamat
	-	Melawat Pameran
11.00 pagi	-	Jamuan Ringan
	-	Majlis Bersurai
JUMLAH		

PAMERAN

Pameran ini untuk memberi peluang dan kesempatan kepada para peminat sejarah, senibina, budayawan dan karyawan terutama pelajar-pelajar dibidang tersebut untuk menyaksikan sebahagian dari KOLEKSI N.A. HALIM yang diserahkan kepada Perpustakaan. Antara lain yang dipamerkan ialah:-

BIOGRAFI N.A. HALIM

(Keluarganya, minatnya, kerjayanya dan anugerah yang diterima)

NUKILAN SEORANG KARYAWAN

(Karya dalam majalah, akhbar dan buku-buku).

ISLAM DI EROPAH

(Lambang keagungan Islam di zaman silam).

KESAN-KESAN SEJARAH DI NUSANTARA

(Kota, istana, makam, batu bersurat dan lain-lain).

MASJID-MASJID DI MALAYSIA

(Bentuk lama dan baru).

KOLEKSI PELAN, PETA DAN MANUSKRIP

(Yang dikumpulkan sebagai koleksinya dan sebahagiannya adalah hasil karyanya sendiri).

BAHAN-BAHAN DALAM KOLEKSI N.A. HALIM

JENIS BAHAN	JUMLAH BAHAN (BILANGAN)	JUDUL
GAMBAR & NEGATIF	7,736 keping	900
SLAID	7,983 keping	800
KERTAS KERJA/SEMINAR	79	33
PELAN	400 keping	158
PETA	150 keping	125
BUKU	300 buah	300
JURNAL & MAJALAH	1,169 buah	157
KERATAN AKHBAR	92	92
ARTIKEL MAJALAH	120	120
SURAT/MANUSKRIP	80 keping	-
RAMPAIAN (KOLEKSI Y)	400	312
JUMLAH	18,409	3075

PENGHARGAAN

<p>JUDUL</p>	<p>Ucapan setinggi-tinggi terima kasih dan TAHNIAH kepada Encik Abdul Halim Nasir serta keluarga atas penyerahan koleksinya kepada Perpustakaan Universiti Kebangsaan Malaysia. Terima kasih juga kepada semua pihak yang terlibat bagi menjayakan Majlis Penyerahan dan Pameran Koleksi N.A. Halim.</p>	
<p>BIOGRAFI N.A. HALIM</p>	<p>(Koleksi)</p>	
<p>NUJULAN SEORANG KARYAWAN</p>	<p>(Koleksi)</p>	
<p>ISLAM DI EROPAH</p>	<p>(Koleksi)</p>	
<p>KESAN-KESAN SEJA</p>	<p>(Koleksi)</p>	
<p>MASJID-MASJID DI MALAYSIA</p>	<p>(Koleksi)</p>	
<p>KOLEKSI PELAN, PETA DAN MANUSKRIP</p>	<p>(Koleksi)</p>	
<p>-</p>	<p>(Koleksi)</p>	
<p>SIE</p>	<p>(Koleksi)</p>	
<p>BOVE</p>	<p>(Koleksi)</p>	

